




Tužilaštvo Bosne i Hercegovine



Grupa Jasmina Ljaljića rasturala lažne eure (Foto: Ilustracija)

Optuženo pet falsifikatora

Tužilaštvo Bosne i Hercegovine podiglo je optužnicu protiv Jasmina Ljaljića (24), Seada Hadžića (24), Alena Josića Marušića (27), Amira Arifovića (21) i Ernada Ferizovića (23), koji se terete za organizirani kriminal u vezi s krivotvorenjem novca. Radi se o akciji Državne agencije za istrage i zaštitu (SIPA) kodnog naziva "Titanium".

Oni se terete da su od novembra 2013. do aprila 2014. godine na području Tuzlanskog kantona organizirali grupu radi stavljanja u opticaj na području BiH lažnih novčanica u apoenu od 500 eura. Gru-

pom je rukovodio Ljaljić, koji je angažirao ostale optužene. Prema navodima optužnice, Ljaljić je kupio najmanje 11 lažnih novčanica u apoenu od 500 eura, koje su optuženi stavljali u promet. Novac koji su dobivali stavljanjem u opticaj lažnog novca, u iznosu od najmanje 10.757 KM, prema prethodnom dogovoru, dijelom su zadržavali za sebe. Dio novca predavali su angažiranim osobama koje su ih stavljale u opticaj kao naknadu za obavljeni posao, a dio novca, i to najmanje 200 do 300 KM po jednoj novčanici, predavali su Ljaljiću.